

50

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
SEP 15 1983

T 9297.1100 B



玉海卷第五十九

浚儀王應麟伯厚甫

藝文

詩歌

哈佛大學漢和
圖書館珍藏印

詩大序曰詩者志之所之也在心為志發言為詩
心之精微者發而為言言之成文者約而為詩朱子曰以虞書攷之詩之
作本言志而已方其詩也未有歌也及其歌也未
有樂也以聲依永以律和聲則樂乃為詩而作非
詩為樂而作也

葛天氏八闋

呂氏春秋仲夏紀昔葛天氏之樂三人捲一作撻牛尾投足以歌八闋一曰載民二曰玄鳥三曰遂草木四曰奮五穀五曰敬天常六曰建帝功七曰依地德八曰得方外之極注一本總萬物禽獸之極賦聽葛天氏之歌注張揖曰其樂三人歌八曲

堯古詩

列子仲尼篇堯治天下五十年游於康衢聞兒童謡曰立我蒸民莫匪爾極不識不知順帝之則堯問誰教為此言童兒曰我聞之大夫大夫曰古詩也

周歌

舜南風詩

見琴類

禹康歌

隋食貨志

禹制九等而康歌與周人十一而頌聲作

周九德歌

禮大司樂於宗廟之中奏之

左傳文七年晉郤缺

曰九功之德皆可歌也謂之九歌六府三事謂之九

功漢志國子學歌九德

周文公詩

周語昌辰曰周文公之詩曰兄弟鬩于牆外禦其侮

呂氏春秋周公旦乃作詩曰文王在上於昭于天

周祈招詩

左傳昭十二年楚右尹子革曰昔穆王欲肆其心祭公謀父作祈招之詩招樂曰祈招之惇惇云云形民之力而無醉飽之心家語注祈父周司馬招其名

仲尼五章

史記樂書仲尼正樂以誘世作五章以刺時索隱曰

孔子詩曰優哉游哉聊以卒歲是五章之刺見家語

信夷傳暗鞅詩可異焉即采微之詩

漢二十八家歌詩

初詩見樂章

宗廟

歌詩

志高祖歌詩二篇泰一雜甘泉壽宮十四篇宗廟歌

詩五篇漢興以來兵所誅滅十四篇出行巡狩及游

十篇臨江王及節士四篇李夫人及幸貴人三篇詔

賜中山未央材人四篇吳楚汝南十五篇燕代謳鴈

門雲中隴西歌詩九篇邯鄲河間四篇齊鄭淮南各

四篇左馮翊京兆尹秦歌詩八篇河東蒲反一篇黃

門倡車忠等十五篇各有主名及雜歌詩十九篇雜

陽四篇河南周歌詩謠及聲曲折一百六十四篇諸

神三篇送迎靈頌三篇周歌詩二篇南郡五篇右歌

萬曆十六年

監生于光烈刊

詩二十八家三百一十四篇自孝武立樂府采歌謠於是代趙之謳秦楚之風皆感於哀樂緣事而發亦可觀風俗知薄厚樂志采詩夜誦孔光奏夜誦負五人不可罷秦倡楚巴鈹齊四會蔡齊謳皆鄭聲可罷

漢雅歌詩

志樂六家雅歌詩四篇

漢郊廟詩歌

禮樂志今漢郊廟詩歌未有祖宗之事八音調均又不協於鐘律而內有掖庭材人外有上林樂府皆以

詩歌

鄭聲施於朝廷

漢九歌

志郊祀歌天地八九歌畢奏斐然殊

漢韋孟諫詩

傳韋孟為楚王傅作詩風諫後去位徙家于鄒又作一篇其諫詩曰踰踰諂夫喌喌黃髮如何我王曾不是察致冰匪霜致隊匪嫚瞻惟我王昔靡不練在鄒詩曰其夢如何夢爭王室其爭如何夢王我弼濟濟鄒魯禮義唯恭誦習弦歌于異他邦

文選注有劉向劉歆七言東方朔六言五言見於

周行露之章是也。

漢栢梁臺詩

見臺類

漢神爵齊祠詩歌

郊祀志神爵元年正月上始幸甘泉郊見泰時數有美祥修武帝故事盛車服敬齋祠之禮頗作歌詩其三月幸河東祠后土有神爵集改元王褒傳神爵五鳳之間天下殷富數有嘉應上頗作歌詩欲興協律之事丞相魏相奏知音善鼓雅琴者召見待詔

漢中和樂職宣布詩

詩歌

王褒傳益州刺史王褒欲二風化於衆庶聞褒有俊才使作中和樂職宣布詩好事者令依鹿鳴之聲

習而歌之時記鄉侯何武為僮子選在歌中父之武

皆賜息以此盛德之事吾何足以當之褒既為刺史

作頌又為其傳注師古曰解釋頌歌之義及作者之意中言政治和平樂職言百官各得職宣布風化

善治何武傳宣帝時天下和平四夷賓服神爵五鳳之間宴蒙瑞應王褒使辨士王褒頌漢德作中和樂職宣布詩三篇武年十四五與成都楊覆衆等習

歌之帝召見武等於宣室文選賈作傳名曰四子

講德四子謂微斯之學虛儀夫子曰云云攜手俱游歷于西州有二人焉乘輅而

歌倚輓而聽之敢問所歌何詩淳游先生陳立子曰

所謂中和樂職宣布之詩益州刺史之所作也刺史

見太上聖明股肱竭力德澤洪茂黎庶和睦天人並

惠累降瑞福故作三篇之詩可以歌詠之也自刺史之

來也宣布詔書勞來不怠公百姓徧曉聖德於是皇

澤豐且沛主恩滿溢百姓歡欣中和咸發是以作而歌

之也南泉頌曰詠中和之歌讀太平之頌

漢德象女師銘

外戚傳班婕妤行誦詩及幼寵德象女師之篇注皆古

箴戒之書也詩外別有此篇陳女圖以鏡監

漢歌詩四章

述鴻業十五章

古今注漢明帝為太子樂人作歌詩四章以贊其德

一曰日重光二曰月重輪三曰星重暉四曰海重潤

揚終傳章帝東巡鳳皇黃龍並集終贊頌嘉瑞並

述祖宗鴻業十五章

漢白狼槃木詩

見朝貢類

漢詩

文苑傳王逸作漢詩百二十七篇唐志逸

漢百官詩頌

見樂章類

魏百一詩

隋志應璩百一詩八卷應貞注唐志八卷摠集類

李夔百一詩集二卷隋志晉李彪撰二卷

龍應璩百一辭譎義正亦魏之遺直也晉陽秋

作五言詩百三十篇言時事頗有補益文選載下

林論應休璉五言詩百數十篇以風規治道蓋有

詩人之旨焉璩百一詩序云時謂曹爽曰公今問

之名蓋與於此

晉周詩 補亡詩 續詩

夏侯湛傳作昆弟誥云云初湛作周詩成以示潘岳

岳曰此文非徒温雅乃別見孝悌之性岳因此遂作

家風詩 束皙傳著補亡詩南陔白華華黍由庚崇

司業疇人肄脩鄉飲之禮然所詠之詩或有義無辭

音樂取節闕而不備於是存思在昔補著其文以綴隋文中子續詩三百六十篇十卷

晉郊廟歌詩

見樂章類

萬曆丁亥年

監生于光烈刊

晉詩

索靖傳著五行三統正驗論又撰索子晉詩各二十卷

晉元正宴會詩 見元會類

唐志摠集晉元正宴會詩集四卷伏滔袁豹謝靈運集

傅咸七經詩

春秋正義傅咸為七經詩王羲之寫 詩見初學記隋志咸集十七

卷梁三十卷

梁古今詩苑英華

詩歌

隋志十九卷梁昭明太子撰唐志二十卷僧惠淨

續集二十卷劉孝孫古今類聚詩苑三十卷 舊史四卷

郭瑜古今詩類聚七十九卷許凌詩林英選十一卷 摠集類

風雅命編詩為百八十卷宋朝太宗詔類文苑英華以楊徽之精於

隋志文林館詩府八卷 後齊百國詩集三十九卷 崔光撰

六代詩集抄

唐志許凌徐陵各四卷

唐開元八詩

嘉靖丙辰年

玉每卷五十九

八

監生陸徑刊

孫逖傳開元中以起居舍人入為集賢修撰時海內少事帝賜羣臣十日一燕宰臣蕭嵩會百官賦天成元澤維南有山楊之華三月英英有蘭和風嘉木等八篇繼雅頌體使逖序所以然

唐賜刺史詩

許景先傳開元十三年帝自擇刺史許景先等十一人治行詔宰相諸王御史以上祖道洛濱盛具奏大常樂帛舫水嬉命高力士賜詩帝親書且給筆紙令自賦賚絹三千遣之許景先由吏部侍郎為刺史治虢大理卿源光裕鄭州兵部侍郎寇泚宋州禮部

詩歌

侍郎鄭溫琦邠州大理少卿袁仁敬杭州鴻臚少卿崔志廉襄州衛尉少卿李昇期邢州太僕少卿鄭放定州國子司業蔣擬湖州左衛將軍裴觀滄州衛率崔誠遂州凡十一人

唐賜三傑詩

宋璟傳開元十七年為尚書右丞相張說為左丞相源軋曜為太子太傅同日拜有詔太官供食太常奏樂會百官尚書省東堂帝賦三傑詩自寫以賜蘇晉序咨曰于朔擇時于秋對命王庭受職公府

唐開元朝英集

志摠集類朝英集三卷開元中張孝嵩出塞張九齡
韓休崔沔胡皓賀知章所撰送行歌詩

唐正聲詩集

舊史孫季良開元中為集賢院直學士撰正聲詩集
三卷元思敬撰詩人秀句兩卷

唐杜甫詩

書目二十卷王洙序云甫集初六十卷定取千四百
五篇凡古詩二百九十九近體千有六分十八卷別
錄賦及雜著二十九篇為二卷合二十卷又外集一
卷三十五首吳鑄為序志杜甫集六十卷小集六

詩歌

卷樊晃集

狄遵度嗜甫詩讚其集後

本傳贊唐興詩人承陳隋

風流浮靡相矜至宋之間沈佺期等研揣聲音浮切
不差而號律詩競相襲沿逮開元間稍裁以雅正然
恃華者質及好麗者壯違而人得一槩皆自名所長
至甫渾涵汪洋千彙萬狀兼古今而有之元稹謂詩
人以來未有如子美者甫又善陳時事律切精深至
千言不少衰世號詩史韓愈於文章慎許可至歌詩
獨推李杜文章在光燄萬丈長誠可信云程子曰詩
唐唐人善論文莫如韓愈愈之所稱獨高李杜
大曆十才子盧綸吉中孚韓翃錢起司空曙苗發崔
嘉靖丙辰年

峒耿滄夏侯審李端能詩齊名憲宗詔中書舍人張仲素訪集遺文文宗尤愛綸詩悉索家笥得五百篇

唐曲江亭應制詩

劉太真傳德宗貞元四年九月重陽節賜百僚宴于

曲江亭帝自賦詩以清字為韻仍勅宰相擇文人應

制賡和李泌等請羣臣皆和詩成帝自加考校以李

紆太真等四人為上于邵鮑防等四人為中張濛二

十三人為下與擇者四十一人會要作三十三人惟泌晟燧

三宰相無所差次按曲江亭為宴樂之地所謂江頭官殿鎖千門是也

唐元和聖德詩

詩歌

韓愈作凡千有二十四字

唐平淮夷雅

柳宗元作 皇武方城二篇

唐河嶽英靈集

志總集類啟璠二卷 書目集常建至閻防二十四

人詩總二百三十首各序其詩格於首 序曰貞觀標格漸高開元風骨始備

唐中興間氣集

志高仲武二卷 書目集至德大曆名人錢起張衆

甫等二十六人詩一百三十二首序云五言詩一百略四十七言附之

品叙其詩格且摘警句列於首以至德興復風雅復振故名

唐詩 唐詩類選

志李戡唐詩三卷

李戡傳常惡元和有元白詩多

纖艷不逞而世競重之乃集詩人之類夫古者斷為

唐詩以譏正其失

志顧陶唐詩類選二十卷

大中校書

郎書目凡一千二百三十二首分二十卷

詩評 詩品

志文史類顏竣詩例錄二卷鍾嶸詩評三卷

書目

詩評一卷自漢以來能詩者一百二十二人分三品

為評

舊唐史李嗣真撰詩品一卷

王昌齡詩格

詩評序陳思為建安之傑公幹仲宣為輔陸機為太

康之英安仁景陽為輔謝客為元嘉之雄嶸延字為

輔此皆五言之冠冕文辭之命世近彭城劉士章後

賞之士疾其淆亂欲為當世詩品口陳標榜其文亦

遂嶸感而作焉

唐百家詩選

書目二十卷以明皇德宗所製為首

唐絕句詩

宋朝淳熙中洪邁編唐人絕句詩為六帙後入詩林

孝宗召對偶及宮中書寫多事邁因以所編進上命真

復古發言院邁自序謂初編得五千四百篇後增

三六

三五

三

府小說諸詩撮其可讀者合為八十二卷

唐雅

宋朝仁宗時李及之進唐雅十篇

范師道進詠唐史詩五軸仁宗時侍御史

太平興國升平詩

四年田錫獻升平詩三十章遷左拾遺直史館賜緋

魚萬適雍熙詩二百首梁鼎著學古詩五十篇

真宗祀汾陰錢易獻宋雅一篇

淳化賞花詩

三年二月丙午宴後苑上臨池釣魚詔羣臣賦詩特

召楊億賦詩御座之側因習射丁未以羣臣所賦賞

花詩五十二首付史館宋綬祥符中從幸後苑

花羣臣皆賦詩命綬晏殊為序

祥符諸王唱酬詩

五年三月庚寅製諸王唱酬詩序示輔臣及韓王安

詩集序以集付祕閣六月甲寅內出續求前宋王

詩筆示輔臣上作序冠篇仍付祕閣徐王元德

與允中唱和詩一卷製序賜之後取其歌詩不記

為六卷墨跡三卷上親作二序命藏祕府

祥符王宸殿賦詩

元觀書類

天禧賀建儲闈禮成詩

見冊禮類

天聖清輝殿賦詩 藥珠殿賦詩

四年四月乙卯出後苑雙頭牡丹圖示輔臣令

獻詩賦兩制自章得象以下十三人三館自康

以下二十七人歌詩一百四十篇表公承平神

人正元重九之篇八年三月十九日壬申觀唐

山水字石于清輝殿命臣作歌詩中書第德

閣校理韓義辭獨不成八月六日丁亥天章閣觀書

元真殿觀穀宴藥珠殿宰臣以下賦詩九年三月十七

日賞花釣魚命從臣賦詩以新字閏十月戊辰宴太

清樓從臣賦詩各一篇

皇雅

尹洙撰十篇天監西師耆武心古大鹵帝籍庶二帝

制皇治太平

皇朝玉堂詩

皇朝玉堂詩歌以神宗御製元曲皇宮

等六十五篇為首

宋百家詩選

會經紹興中采名人詩起冠準終葉夢得併記其行
事凡五十卷如歐蘇王黃之詩為世所傳者皆不載
又續選二十卷

紹興中興復古詩

十八年七月癸未敷文閣待制張嶠獻之八月二十
七日詔嘉獎

紹興聖統詩 中興聖德詩

十八年黃友端進紹興聖統詩一篇二月十七日詔
免解二十一年十一月二日程端厚獻聖德詩除直
徽猷閣二十二年九月二十四日劉一止進中興聖

德詩除敷文待制十一月十一日錢周材進紹興聖
德詩除集英修撰

嘉定熙朝盛典詩

二卷趙師異撰嘉定九年取郊祀明堂大朝會孟饗
典禮為一百四十二詩紀儀文之盛

次韻作詩於古無有高嚴韋郭來往杜少陵間不過

和意自元白諸人五言詩之源生於國風廣於離

騷著於李蘇盛於曹劉鄭都則七子均賦梁苑則

三英接曲唱酬之制由是生焉詩為樂心聲為樂

嘉靖丙辰年 監生陸徑刊

體樂體在聲。瞽師務調其器。樂心在詩。君子宜正其
文。樂辭曰詩。詩聲曰歌。

文心雕龍。王澤殄竭。風人輟采。春秋觀志。諷誦舊章。

逮楚國諷怨。則離騷為刺。秦皇滅典。亦造僊詩。史記

使博士為仙人詩。及行所游天下。傳令樂人誦弦之。漢成帝品錄三百餘篇。

朝章國采。亦云周備。而辭人遺翰。莫見五言。所以李

陵贈蘇班。捷好行怨歌。見疑於後代也。案召南行露。始

肇半章。孺子滄浪。亦有全曲。則五言久矣。又古詩佳

麗。或稱枚叔。文選注。古詩蓋不其孤竹。一篇則傳毅

之詞。古詩有冉生孤竹。至於張衡怨篇。清典可味。見文選注。太平御覽

詩歌

仙詩緩歌雅有新聲。暨建安初。五言騰踴。晉出羣才。

稍入輕綺。江左篇製。溺乎玄風。

朱文公曰。古今之詩。凡有二變。蓋自書傳所記。虞夏

以來。下及漢魏。自為一等。自晉宋間。顏謝以後。下及

唐初。自為一等。自沈宋以後。定著律詩。下及今日。又

為一等。然自唐初以前。其為詩者。固有高下。而法猶

未變。至律詩出。而後詩之與法。始皆大變。以至今日。

益巧益密。而無復古人之風矣。歐陽文忠公曰。古

者登歌清廟。太師掌之。諸侯之國。亦各有詩。以道其

風土性情。至於投壺饗射。必使工歌。以達其意。以為

賓樂蓋詩者樂之苗裔與漢之蘇李魏之曹劉得其
正始宋齊而下得其浮淫流佚唐之時子昂李杜沈
宋王維之徒或得其淳古淡泊之聲或得其舒和高
暢之節而孟郊賈島之徒又得其悲愁鬱埋之氣
敖陶孫器之評詩曰魏武帝如幽燕老將氣韻沈雄
曹子建如三河少年風流自賞鮑明遠如飢鷹獨出
奇矯無前謝康樂如東海揚帆風日流麗陶彭澤如
絳雲在霄舒卷自如王右丞如秋水芙蓉倚風自笑
韋蘇州如園客獨幽暗合音微孟浩然如洞庭始波
木葉微脫杜牧之如銅丸走坂駿馬注坡白樂天如

詩歌

山東父老課農桑事事言言皆着實元微之如李龜
年詭天寶遺事貌悴而神不傷劉夢得如鏤冰雕瓊
流光自照李太白如劉安雞犬遺響白雲要其歸存
况無定處韓退之如囊沙背水惟韓信李長吉如武
帝食露盤無補多欲孟東野如埋泉斷劍卧壑寒松
張籍如優工行鄉飲醕獻秩如時有談氣柳子厚如
高秋獨眺霽晚孤吹李義山如百寶流蘇千絲鐵網
綺密瓌妍要非適用本朝蘇東坡如屈注天潢倒連
滄海變眩百怪終歸雄渾歐公如四湖八連止可施
之宗廟荆公如鄧艾縋兵入蜀要以險絕為功山谷

如弘景祇詔入官折理談玄而松風之夢故在梅壑
俞如關河放溜瞬息無聲秦少游如時女步春終傷
婉弱后山如元臯獨嘆深林孤芳冲寂自妍不求識
賞韓子蒼如梨園按樂排比得倫呂居仁如散聖安
禪自能奇逸其他作者未易殫陳獨唐杜工部如周
公制作後世莫能凝議筆仲至曰漱六藝
之芳潤以求真澹黃魯
直曰以俗為雅以故為新百戰百勝如孫吳之兵棘
端可以破鏃如甘蠅飛衛之射此詩人之奇也

賦

文章流別論曰賦者敷陳之稱釋名曰敷布其義
謂之賦

漢詩賦五種 詩賦百六家

藝文志自屈原二十五篇至王褒十六篇凡賦二十
家三百六十二篇自陸賈三篇至朱宇三篇為賦二十
一家二百七十四篇揚雄八篇自孫卿十篇至路
恭八篇賦二十五家百三十六篇自客主賦十八篇
至隱書十八篇凡雜賦十二家二百三十三篇自高
祖歌詩二篇至南郡歌詩五篇凡歌詩二十八家三

百一十四篇凡詩賦百六家千三百一十八篇
八篇登高能賦可以為大夫春秋之後大儒孫卿
及楚臣屈原離諫憂國皆作賦以風成有惻隱古詩
之義其後宋玉唐勒漢興枚乘司馬相如下及揚子
雲競為侈麗閎衍之詞沒其風諭之義是以揚子悔
之自孝武立樂府而采歌謠於是有代趙之謳秦楚
之風皆感於哀樂亦可以觀風俗知薄厚云序詩賦
為五種六義附庸兩都賦序武宣之世崇禮官考
文章云云考成之世論而錄之奏御者千有餘篇

漢皇太子生賦

八言七言詩

魏質述

太子賦

漢皇德武帝春秋二十九乃得皇子羣臣喜故皇與

東方朔作皇太子生賦元朔元年及立皇子謀祝受詔

游燕皆不從故事重皇子故也衛后立皇奏賦以戒

然從行至甘泉雍河東東巡狩封泰山塞決河宣房

游觀三輔離宮館臨山澤弋獵射馭狗馬楚鞠刻鐘

上有所感無使賦之說詞讀東方朔傳朔之文

華有封泰山貢和氏璧及皇太子生謀屏風殿上栢

柱平樂觀賦獵八言七言上下譜納說八言上下篇

匡褒信虞侍太子作甘泉洞簫頌太子令後宮左右

讀讀之

志枚皇賦百二十篇

王褒賦十六篇

隋唐志王

五卷

文選有洞篇賦

藝文類聚有甘泉宮頌

魏下簡有贊述太子賦

曹植有皇子生頌

漢司馬遷賦

相如賦

志司馬遷賦八篇司馬相如賦二十九篇

漢揚雄賦

志十二篇

揚雄傳蜀有司馬相如作賦弘麗溫雅

雄心壯之擬以為式作反離騷廣騷之旁惜謂以下

至懷沙一卷名曰畔牢愁成帝時正日昃從上甘泉

奏甘泉賦以風三月將祭后土還上河東賦以勸

二月羽獵因校獵賦以風明年從至射熊館還上長

揚賦藉翰林為主人子墨為客卿以風文選注引

揚雄蜀都賦太玄賦覈靈賦又引釋愁北史司馬

膺之好讀太玄經又注雄蜀都賦

漢四賦

揚雄傳辭莫麗於相如作四賦甘泉河東校獵長揚

漢頌德賦

志雜賦有雜行出及頌德賦二十四篇雜四夷及兵

賦二十篇

漢論都賦

杜篤傳光武時以關中表裏山河先帝舊京不宜改

營維邑上論都賦唐志杜篤集五卷隋志一卷

王景傳杜陵杜

篤奏上論都欲令車駕遷還長安景以宮廟已立恐人情疑惑會有神雀諸瑞乃作金人論頌洛邑之美天人之符

漢兩都賦

班固傳時京師脩起宮室濬治城隍而關中耆老猶望朝廷西顧固乃上兩都賦西都盛稱洛邑制度之美以折西賓淫侈之論隋志班固集十七卷東都賦有五篇之詩明堂辟雍靈臺寶鼎白雉

賦

漢二京賦

張衡傳天下太平日久王侯踰侈乃擬兩都作二京

賦因以諷諫十年乃成隋志張衡集十一卷

隋志薛綜注張

衡二京賦二卷吳薛綜述二京解

衡又作南都賦

傳毅有洛都賦

唐李庾作西都東都賦

漢神爵賦

隋志一卷傳毅撰唐志毅集五卷隋志二卷

魏趙都許都洛都賦

劉劭傳作趙都賦明帝美之詔劭作許都洛都賦時

嘉靖丙辰年

三

三

監生陸經刊

外興軍旅內營宮室劭作二賦皆諷諫焉隋志劉邵集二卷

文選注引何正許都賦吳質魏都賦水經注引

徐幹齊都賦

晉三都賦

左思傳思辭藻壯麗造齊都賦一年乃成隋志二卷并音復

欲賦三都詣張載訪岷邛之事構思十年門庭藩溷

皆著筆紙遇得一句即便疏之自以所見不博求為

祕書郎賦成皇甫謐為其序張載為注魏都劉逵注

吳蜀而序之衛瓘又作略解張載見而歎曰班張之

流也使讀之者盡而有餘久而益新於是豪貴之家

賦

競相傳寫洛陽為之紙貴隋志左思集二卷梁有五卷隋志五都

賦六卷張衡左思孫綽絕重張衡左思之賦每云三都二京五經之鼓吹也

文選注引劉楨魯都賦曰蓋如飛鶴馬似遊魚

晉揚都賦

庾闡傳為給事中吳國內史虞潭為太伯立碑闡制

其文又作揚都賦為世所重曹毗亦著揚都賦亞於

闡隋志闡集九卷毗集十卷世說庾闡揚都賦成庾亮云可三

二京四三都於是人人競寫都下為之紙貴

晉天地賦

成公綏傳為天地賦張華重其文以為絕倫隋志成按集

晉中興賦

王廙傳丞相導從弟為荊州刺史元帝即位奏中興賦曰雖未足宣揚盛美亦詩人嗟嘆詠歌之義也隋志

晉南郊賦

郭璞傳詞賦為中興之冠作南郊賦帝嘉之以為著作佐郎水經注引璞著江賦辭甚偉隋志璞集十七卷

晉朝會賦

南齊樂志角抵像形雜伎漢世張衡西京賦是其始

也魏世則事見陳思王樂府宴樂篇晉世則見傅玄

元正篇朝會賦

禮志傅玄朝會賦云華燈若乎火

木熾百枝之煌煌

隋志玄集十五卷

唐述聖賦

惟皇誠德賦

大寶箴

王謀真紀

謝偃傳太宗朝為弘文館直學士帝召見欲偃作賦

先為序一篇言天下乂安功德茂盛意授偃使賦偃

緣帝旨名篇曰述聖帝悅賜帛數十初帝即位張蘊

古上大寶箴諫帝以民畏而未懷其辭挺切擢大理

丞偃又獻惟皇誠德賦其序大畧言治志亂安忘危

逸忘勞得忘失四者人主莫不然是以聖人處宮室則思前王所以亡朝萬國則思已之所以尊循府庫則思今之所以得視功臣則思輔佐之始見名將則思用力之初如此則人無易心天下何患不化哉且行之堯舜暮失之桀紂豈異人哉蓋規帝成功而自處至難云又撰玉謀真紀以勸封禪李百藥工詩而善賦時稱李詩謝賦志舊史惟皇誠德賦慮失者常得懷安者必危是以戰戰慄慄日謹百守約守儉去奢去逸惟賢是授惟民斯恤則四皇不足五六帝不足七若夫忠良是棄諂佞斯獎則夏桀可二殷辛易兩

賦

太宗御製述聖賦序

見文苑英華

宋朝天聖四年閏五月宋綬錄進惟皇誠德賦

唐贊道賦

李百藥傳

貞觀四年

政要云五年

授太子右庶子太子戲

媿無度乃作贊道賦以諷他日帝曰朕見卿賦述古

儲貳事勸勵甚詳賜綵三百段馬一匹賦略曰惟

忠與敬曰孝與仁則可以下光四海上燭三辰禮賢

於秋實歸道於春卿異洞簫之虞侍殊飛蓋之緣情

見貞觀政要

唐清暑賦

嘉靖清內辰年

兵部主陸經刊

崔仁師傳太宗幸翠微宮上清暑賦以諷帝稱善賜帛五十段

唐太一樞會賦

志五行類李淳風太一樞會賦一卷玄宗注

唐南郊賦

徐彥伯傳會郊祭上南郊賦辭致典縟見文苑英華

唐三大禮賦

玄宗天寶十三載杜甫進朝獻太清宮朝享太廟有

事于南郊三大禮賦投延恩匭舊史天寶末獻三

大禮賦玄宗奇之召試文章

唐含元殿賦

李華傳著含元殿賦萬餘言蕭穎士曰景福之上靈光之下

唐大明賦

見箴類

唐海潮賦

志盧肇一卷

魯史分門屬類賦見春秋類

揚鈞三卷以左氏事類分十門各為律賦一篇乾德四年奏御詔褒之

乾德五鳳樓賦

乾德中梁周翰獻擬制二十篇擢為右拾遺會修大
內上五鳳樓賦

端拱事類賦

端拱中祕閣校理吳淑撰百篇以獻詔令注釋淳化
四年成三十卷九月庚寅朔以為水部郎咸平中淑
以浚郊上都累聖丕業作論都賦以獻

淳化東西京賦

淳化三年三月賜楊億及第億年十二讀書祕閣因
擬文選兩京賦作東西京賦以進太宗嘉之詔學士

賦

院試舒州進甘露頌帝益賞其才咸平四年二月五

日錢惟演獻東京賦

吳淑作論都賦

淳化三年春和嶠獻觀燈賦詔付史館

咸平宋都賦

咸平四年八月乙未直史館劉蒙叟上章獻宋都賦
述皇宋由茲地建號宜升宋州為都立祖宗廟上嘉
之命史館檢故事以聞王仲粦作南都賦

咸平春秋字源賦

楊文舉注尹玉羽春秋字源賦咸平四年正月乙酉
知河南府李至上之以賦送祕閣徐鉉賦苑二百

卷

祥符皇子冠禮賦

祥符八年十二月戊子著作佐郎晏殊上皇子冠禮賦詔獎之

元豐汴都賦

元豐七年三月壬戌以太學生周邦彥為太學正邦彥獻汴都賦故擢之

紹興二都賦

紹興十三年三月二十八日王鈇上親饗太廟賦除直徽猷閣十五年十一月癸亥高衮獻二都賦與教官

十七年十二月十三日施諤進中興頌一篇紹興雅十篇行都賦一首免解

淳熙明堂賦

頌堯賦

見後

河圖天地二運賦

崇文目卜筮類一卷論天地二運蓋三命書也不著撰人

歷代紀元賦

書目一卷皇朝楊備撰次漢至五代正統年號為賦一首又別為宋頌四章

梁武帝歷代賦 見御製

後周庖載次歷代有國廢興治亂之迹為運源賦甚詳。

趙隣幾作禹別九州賦萬餘言。范諷獻東封賦。

鞠常著四時成歲賦萬餘言。錢熙作四夷來王賦。

以獻凡萬餘言。太宗嘉歎以為直史館。

文心彫龍曰賦者受命於詩人而拓宇於楚辭也於

是荀况禮智。漢志荀卿賦十篇今其存者成相俛詩并賦篇而十賦篇曰禮曰知曰蠶曰箴

日宋玉風鈞。見文選爰錫名號秦世頗有雜賦。漢志秦時

雜賦漢初辭人陸賈扣其端。志二賈誼振其緒。七枚

賦

馬同其風。枚乘九篇相王揚驥其勢。揚雄十六篇觀

夫荀結隱語宋發巧談枚乘菑園。見類聚相如上

林賈誼。鷗為子淵洞簫孟堅燕都張衡二京子雲甘

泉延壽靈光此十家並辭賦之英傑也。仲宣繁靡密

偉長。徐幹博通太冲。左思安仁。潘岳策勳於鴻規士衡。陸子

安。成公綏底績於流制景純。謝綺巧彥伯。袁粲亦魏

晉之賦。首也。原夫登高之旨蓋觀物與情情以物興

故義必明雅物以情觀故詞必巧麗文雖新而有質

色雖糝而有儀此立賦之大體也。流別論曰古詩

之賦以情義為主以事類為佐今之賦以事類為本

以義正為助情義為才則言省而文有例事形為本
則言富而辭無常文之煩省辭之險易蓋由於此
盛覽問司馬相如以作賦相如曰合秦綰以成文列
錦繡而為質一經一緯一宮一商此賦之迹也賦家
之心苞括宇宙摠覽人物斯乃得之於內不可得而
傳

箴

胡廣曰箴諫之興所由尚矣聖君求之於下忠臣
納之於上劉勰曰箴者所以攻疾防患論鍼石也

夏箴

周書文傳篇

見御製類

胡廣百官箴序曰墨子著

書稱夏箴之辭

後魏李彪云傳著夏氏之箴詩錄

商家之頌

王元長策秀才文注引周書夏箴

商箴

呂氏春秋始覽第一名類篇商箴云天降災布祥並
有其職以言禍福人或召之也

文心雕龍夏商二

箴餘句頗存

盤庚無伏小人之攸箴

周庭燎箴

詩庭燎美宣王也。因以箴之。郊特牲注庭燎之差。天子百公蓋五十。侯伯子男皆三十。

周師箴 周箴

周語召公曰：天子聽政，使公卿至於列士獻詩，瞽獻典，史獻書，師箴，瞽賦，矇誦，百工諫，庶人傳語，近臣盡規，親戚補察，瞽史教誨，耆艾修之，而後王斟酌焉。注師 小師也，箴刺王闕以得失。左氏傳：晉師曠曰：史為書，瞽為詩，工誦箴，諫大夫規，誨士傳言，庶人謗，商旅于市，百工獻藝。楚語：衛武公箴儆於國，作懿戒以自儆。殷武丁得傳說，升以為公使，朝夕規誨。箴諫曰：必交脩余。

無金棄也。齊桓晉文近臣諫，遠臣謗，輿人誦，以自誥也。

呂氏春秋：有始覽，謹聽篇。不知則問，不能則學。

周箴曰：夫自念斯學，德未暮，學賢問三代之所以昌也。

後周蕭固：蕭太子箴曰：惟王建國，辨方正位，必立太子為皇。子貳是以易稱明兩禮云：上嗣東序，養德震方，主器在史。書言右史書事，東髮就學，宵雅夙肄，朝夕百篇。夜乃寤愛日，惜力寸陰，無弃視膳，弄飯寢門。三至小心翼翼，大孝烝烝，詢謀計慮，問對疑丞，安樂必敬，無忘戰兢。天道福謙，人道惡盈，漢嗣不絕乎。

馳道魏誌
備萬國以
陽雖卜生
敬之天維
職司

回環乎鄴城前史攸載後世揚名三善既
貞姬周長久實係元良嬴秦短祚亦由少
七百有德彌昌數世一萬無德亟亡敬之
顯思光副皇極永固洪基官巨再拜敢告

周虞人箴 楚箴

左傳襄

年魏絳曰昔周辛甲之為太史也武王大

史命百

官箴王缺箴莫善於虞箴名以虞人之

箴曰芒

禹跡畫為九州經啓九道民有寢廟有

茂各

攸虞德用不愆在帝夷羿冒于原

國恤而思其鹿牡武不可重用不恢于夏家獸人司

原敢告僕夫疏云虞人掌獵故以獵為箴楚箴曰

民生在勤勤則不匱楚有箴尹之官文心雕龍曰

魏絳諷君于后羿楚子訓民於在勤

衛武公在輿有旅賁之規居寢有摯御之箴

周大正箴

見刑制

漢百官箴

胡廣傳

又春秋正義初揚雄依虞箴作十二州箴二十五

官箴其九箴亡缺其後歟郡崔駰及子瑗子玉又臨

邑侯劉駒駮增補十六篇正義云爰子大傅胡廣復

繼作四篇文甚典美乃悉撰次首目為之正義云皆解釋名百

官箴凡四十八篇春秋正義云皆揚雄傳雄以為

箴莫善於虞箴作州箴注九州之箴也所載止四十

篇選注引益

梁雍 雍 并 交 官箴揚雄十二 光祿勳

衛尉 太僕 廷尉 大鴻臚 宗正 大司農

少府 執金吾 將作大匠 城門校尉 上林苑

令 崔駰七 大常太尉 河南尹 司空 司徒 大理

尚書 崔寔一 諫大夫 崔子玉九 尚書 博士 東觀

關都尉 河隄謁者 郡太守 北軍中候 侍中

司隸校尉 書目二十四箴一卷揚雄撰州箴十

二衛尉等箴 十二 文心雕龍揚雄稽古始範虞箴

卿尹州牧二十五篇及崔胡補綴摠稱百官指事配

位擊鑑可徵所謂追清風於前古攀辛甲於後代

執文志揚雄所序三十八篇箴二唐志卷文選注

引揚雄衛尉箴又引城門校尉箴國三老箴又侍中

箴曰光光常伯又引劉駒駮郡太守箴 太平御覽

引揚雄太官令箴太史令箴胡廣邊都尉箴又引胡

廣百官箴序 班固傳注引揚雄司空箴曰普彼坤

靈伴天作合
梁天監六年

漢

陳遵傳昔所

酒客難法度

并之眉自用

潮驅後魏

漢

初學記後漢

書箴晉傳

光武紀注引崔瑗中壘校尉箴
峻擬揚雄官箴奏之

箴

郎揚雄作酒箴以諷諫成帝其文為

譬之於物曰子執瓶矣觀瓶之居居

此不如鴟夷後崔駰傳著酒箴

允上酒訓高祖悅之常置左右

書箴

欽尚書箴云云

藝文類聚揚雄

吏部尚書箴云易貴好爵書諱言人

衡人司書

胡廣侍中箴云云

崔德正大理箴

晉張華大司農箴

漢中壘校尉箴 司空箴

光武紀注崔瑗中壘校尉箴曰堂堂黃帝設為壘壁

班固傳注引揚雄司空箴見上

漢外戚箴

崔琦傳初舉孝廉為郎梁冀聞其才請與交冀行多

不軌琦數引古今成敗以戒之冀不能受乃作外戚

箴隋志其畧曰履道者固杖執者危

漢督軍御史箴

高彪傳第五永為督軍御史使督幽州百官大會祖
餞於長樂觀議即蔡邕等皆賦詩彪獨作箴畧曰古
之君子即戎忘身無曰已能務在求賢淮陰之勇廣
武是尊唐志彪集二卷

晉女史箴 唐彤史

張華傳懼后族之盛作女史箴以諷曰婦德尚柔含
章正吉樊姬感莊不食鮮禽衛女矯威耳忘和音志
厲義高二主易心元彪攀檻馬媛趨進夫豈無畏知
死不吝班女有辭割歡同輦夫豈無懷防微慮遠懼
不可以瀆寵不可以專專實生慢愛極則遷隋志華集十卷

箴

裴頡亦有女史箴 皇甫規女師箴 傅幹皇后箴

隋志有女史箴圖一卷 詩貽我彤官毛氏曰古

者后夫人必有女史彤管之法 石氏星經有女史

一星 周禮女史八人掌王后之禮職以詔后理內

政統內官書內令 唐志尚儀局彤史二人正六品

有女史二人

晉保傅箴 太師箴

職官分紀 王廙之保傅箴曰保傅之賢明宗國用寧

嵇康傳 作太師箴亦足以明帝王之道

晉丞相箴 尚書令箴

藝文類聚晉陸機丞相箴曰導民在簡為政以仁
文選注摯虞尚書合箴曰補我袞闕闡我王猷

晉乘輿箴

潘尼傳為著作郎為乘輿箴以為王者膺受命之期
揔萬機而撫四海簡群才而審所授孜孜於得人汲
汲於聞過不敢斥至尊故以乘輿名篇

晉侍臣箴

溫嶠傳遷太子中庶子深見寵遇太子與為布衣之
交數陳規諷又獻侍臣箴略云不以賢自盛不以
貴為榮思有虞之蒸蒸尊周文之翼翼屏彼佞諛

箴

此亮直

傳玄有太子少傅箴

後周蕭圓肅作少

傅箴

齊王攸為太傅獻箴曰因親以道脩身以敬

晉國子箴

王濟傳

文心雕龍曰潘勗符節要而失淺溫嶠侍

臣博而患繁王濟國子文多事寡潘尼乘輿義正體

蕪

初學記晉成公綏市長箴

晉選曹箴 學箴

李重傳為選曹尚書著選曹箴置左右以明審才之

宜隋志李重集二卷
傳玄有吏部尚書箴

通監咸康四年六月王導

萬曆丁亥年

二月

監生朱益傳刊

以李充為丞相掾充好刑名之學深抑虛浮之士著
學箴曰名之攸彰道之攸廢李充集二卷

晉逸士箴

江道傳著阮籍序贊逸士箴

見藝文類聚

又庾凱

幽人箴

御史箴

初學記崔篆御史箴曰簡上霜凝筆端風起

傳咸

御史中丞箴執憲之綱秉國之憲

梁武帝凡百箴

見藝文類聚

隋匠人箴

刺史箴

賦

杜正藏舉秀才蘇威監試擬匠人箴弓銘 何妥為
龍州刺史為刺史箴勒于州門外

唐大寶箴

謝偃傳太宗即位直中書省張蘊古上大寶箴諷帝

以民畏而未懷其辭挺切擢大理丞

舊史有傳

通監武

德九年十二月前幽州記室直中書省張蘊古上

貞觀政要張蘊古以貞觀二年幽州摠管記室兼直

中書省奏上 宋真宗時景德初陳彭年於誕節亦

獻大寶箴曰任賢勿貳堯所以昌改過不吝湯所以

王

唐承華箴

李義府傳晉王為太子義府除舍人獻箴云佞諛有類邪巧多方其萌不絕其害必彰義府方諂事太子而文致若讜直者太子表之優詔賜帛

周王褒有皇太子箴見東宮類

唐清白箴

許圜師傳高宗時圜師為相州刺史以寬治人州刻石頌美部有受賕者不忍案但賜清白箴其人自愧更為廉士

唐諭善箴

箴

韋承慶傳儀鳳中太子監國承慶為司議郎進諭善箴

唐獄官箴

裴諝傳德宗即位諝惡法吏舞文獻獄官箴文粹張說有獄箴

唐君臣箴

杜希全傳德宗時為朔方節度奉天之狩引兵赴難賊平遷靈鹽夏豐節度使將即屯獻體要八章帝嘉納之賜君臣箴一篇會要貞元九年十二月賜君臣箴大畧曰在昔稷契實正舜禹逮茲魏徵佑我文

嘉靖丙辰年
監生李奎

祖肆予寡昧獲纘丕緒臣哉鄰哉爾翼爾輔高秋始
肅我武維揚輟屯禁衛殿於大邦戀闕方甚嘉言乃
昌總彼千慮備于八章宣父有言起予者商汝其夙
夜明保朕躬毋曰爾身在外爾誠不通善言之應千
里攸同導彼遐俗達于四聰華夷仰德時乃之風又
曰商有盤銘周有歌器或戒以辭或警以事

唐尚書二十四司箴

柳中郢傳著尚書二十四司箴韓愈見之大加咨賞

選注引摯虞尚書令箴曰補我袞闕闡我王猷初
學記云張華

箴

唐龍樓箴 龍樓門名

見東宮類 歸登獻龍樓箴以諷皇太子 元和四
年十月癸巳登以工侍克太子諸王侍讀

唐太醫箴

柳公綽傳唐憲宗喜武功數出游畋元和五年舊紀十一

景柳公綽奏太醫箴以諷帝高其才遣使謂曰卿

言氣行無間隙不在大愛朕深者當置之坐隅踰月

十一二月自吏部郎中拜御史中丞 會要元和五年

十一月吏部郎中柳公綽獻太醫箴

崔寔太醫令箴動不肆勤靜不宴逸

唐丹宸六箴

李德裕傳敬宗荒淫數遊幸狎比群小聽朝簡忽德裕為浙西觀察上丹宸六箴表曰臣在先朝屬多陰沴嘗獻大明賦以諷今日盡節明主亦猶是也其一曰宵衣諷視朝希晚也二曰正服諷服御非法也三曰罷獻諷斂求怪珍也四曰納誨諷弃忠言也五曰辨邪諷任群小也六曰防微諷偽遊輕出也詞皆明直婉切帝雖不能用猶敕學士韋處厚諄諄作詔謝其意

唐續虞人箴

箴

白居易傳穆宗好畋游獻續虞人箴以諷曰唐受天命十二有聖兢兢業業咸勤厥政鳥生深林獸在豐草春蒐冬狩取之以道鳥獸蟲魚各遂其生民野君朝亦克用寧在昔元祖厥訓孔彰馳騁田獵俾心發狂何以效之曰羿與康曾不是戒終然覆亡高祖方獵蘇長進言不滿十旬未足為歡上心既悟為之輟畋降及宋璟亦諫玄宗溫顏聽納獻替從容璟趨以出鷄死握中噫逐獸于野走馬于路豈不快哉銜楛可懼審其安危惟聖之慮集云元和五年

唐縣令箴

吉光靖丙辰年

三五

五十一

文苑英華李碶授李昌緯縣令制云宣帝命明法吏
刪刑書為統類十篇盡出繁詞而獨著元結縣令箴
是於養人之官殷勤深切矣古之奇有縣令箴並見
文粹

唐霸國箴

志別集李靖一卷 文粹梁肅有兵箴

雍熙守成箴

宋太初傳雍熙三年通判成都府會詔求真言作守
成箴以獻

端拱箴

端拱元年七月... 箴一篇極陳規諷表曰夏后布盤盂之器周
杖之誠敢證斯義用導愚衷又上禦戎十事

咸平鳳衣箴

國史張知白傳咸平中奏疏曰內和人心而後可必
寧夷狄此崇陽抑陰之義也真宗覽而異之召試舍
人院擇右正言獻鳳衣箴

景德續丹宸箴

景祐齊宸箴

紹興補

宸箴

景德元年二月進士柳宗續李德裕丹宸箴五篇以

三文

五卷卷五十一

四

獻庚申召試賜出身 察又擬白居易作策問七十
五篇目為贊聖策材 景祐元年太子少傅晁迥獻

奔家謹刑箴大順審刑頌 紹興八年十二月丁卯

王揚英為太常博士揚英獻所著黼衣箴會要十二

篇上召對而有是命書目揚英補 會要十一月二

十三日詔錄本進入當置坐右朝夕觀省又與召對

景德大寶箴

陳彭年傳景德初修起居注獻大寶箴

景祐金華五箴 聖治箴

景祐三年七月乙酉翰林侍讀學士馮元上金華五

表答三司判官謝絳言事于進聖治五箴曰紹

臣內戒謹命敬變云或云謝獻

康定居安謹治箴

康定元年四月丁亥梁適為右正言初適進居安謹

治箴擢開封推官不半歲踐諫職

康定四箴 太宗御書曲禮

秘閣書有太宗御書曲禮字為行書首篇四句曰美

不可長欲不可縱志不可滿樂不可極康定二年七

月張方平在諫垣廣其義為四箴以獻序曰五者奉

若天命以臨萬方謹乃迪德無時怠豫以義制事以

禮制心以輯寧邦家用咸和萬民于後失玉罔自抑
畏罔顧誕天之明命以若先民攸訓不迪率典德用
弗類故人君保邦制治之道謹厥身脩思永茲推艱
哉太宗形於翰墨先帝緘諸祕府將以嘉言善訓貽
為孫謨豈唯筆精墨妙云爾 四箴教歌志樂

慶曆勸講箴

慶曆四年二月丙辰御迎陽門命曾公亮講詩王洙
講祖宗聖政錄丁度讀前漢書初元吳昊叛罷講筵趙
師民獻勸講箴見文鑑至是復命講 淳熙三年侍
講李燾以經筵少開錄是箴以諷 端平三年正月

侍讀洪咨夔獻緝熙箴

皇祐宗室寶箴 六箴

見宗咸類

治平皇極箴

治平元年十二月庚子知制誥祖無擇獻皇極箴英
宗善其言詔褒答之 真宗初詔群臣言事右司諫
梁顥作聽政箴以獻

淳熙元年李燾上快箴引太祖退朝悔乘快決事以
諫上曰朕當揭之坐隅

紹興文思箴

紹興二十六年秘書郎唐文若爲文思箴以獻其略曰於赫我皇兵既休矣休兵如何莫如治兵居安思危邦乃攸寧爰整其旅文玉以興載舞干羽舜仁用成向戍弭兵春秋所懲蕭俛去兵既亂乃萌又曰兵非以殘以兵休兵凡千五百餘言當時韙之

選德殿六箴

孝宗習射及引對群臣裁決庶政之便座也 世端詩
上箴六首政令聽察用射

淳熙十箴

十六年春光宗登極右諫議大夫謝諤獻十箴一曰

業難成而易敗宜兢兢保之二曰道甚簡易在尊所聞三曰畏天之威四曰存心公正五曰賞罰不可安六曰獎廉戒貪七曰訪民疾苦八曰理財以義九曰姦諛生亂甚於夷狄十曰自治乃可理外 紹熙末
寧宗受禪司農少卿劉光祖入對獻謹始五箴曰陛下新服厥命人皆望謹始於庶政臣獨願謹始於五事讀至思箴上曰要當從原頭用功對曰微臣千百言不如陛下原頭一語致力于此則貌言視聽俱治矣

孫覺爲昌王記室王問終身之戒爲陳諸侯之孝作

富貴二箴

玉海卷五十九

四十三

乙百九十九

玉海卷第五十九

